



Solâ imputatione obedientiae Christi
peccatores iustificantur ad salutem.

*V*nus ob noxam, & mortem infelicitis Adami,
Omnibus ad caelos invia facta via est:

Perdita res exindè, & desperata nepotum,
Nescia iam lapsis rebus adesse sibi,
Poscit ut infami CHRISTVS cadat hostia ligno.
Hostia quæ placidum reddidit una PATREM.
Imputat hic meritum, simul expiat ille reatum:
Iustitiam quisquis non habet; inde ferat.
Hinc secunda quies animi, & pax alta resultat,
Scire DEVM poenas sustinuisse tuas.
Ergo quid hoc dicam quod homo sua gesta pererrat?
Et numerat sordes in sua damna, caro?
Credere mihi, nihil est quod læsi numinis iras
Molliat; in nobis multus Adamus inest:
Et censoria LEX, & non violabile pactum,
Criminis assidui postulat esse reos.
Si quid agant homines quod SPIRITVS ipse ministret.
Non erit offenso victima sufficiens.
Purior electo turpem petat vnda canalem,
Contrahit hinc cœnum, turbidiorq; meat.
Ergo cruci, & Christo meritò omnis gloria surgat,
Ni foret inde SALVS, non reparata foret.

*V*nus ob meritum, & mortem miserentis IESV,
Invia cœlorum pervia facta via est.

Fidelis ex fide certus esse remissio-
nis suorum peccatorum & potest & debet.

*S*Vpirat quicumque thronum, quâ DIA rosante
GRATIA perpetuum spargit odore iubar,
Inque suo credit gratis sibi pacta SEQUESTRO:
Se credat iam non amplius esse reum.
Scilicet admissi credens fit criminis exors,
Nec rudis esse pius credulitatis amat.
Nam quibus altè animum donis PATER imbuit; intus
PURIOR, irradians desuper, AVRA docet.
PRODIGA quinetiam venturi PACTIO sceli est.
Non operum meritis, nititur illa fide.
Cui totum tutumque potes te credere: tantum
Cor Deus hortatur fœderis esse capax.
Nec pepigit tantum: se sed iuravit; & illum
Quis tam cordis inops insimulare doli?
Adde quibus sit cunq; FIDES assueta vocari
NOMINA, quæ nobis spem posuere ratam.
Insper & DIÆ signum in nos pressius AVRÆ
Cuditur: ut, quâ stet firmior, arrha, fides.
Additaq; externo sua sunt MYSTERIA verbo:
Participes, certos fœderis ut faciant.
Indubitata dein fidei dubitatio mors est,
Spe cum libretur pendula, cumque metu.

Ergo remissa sibi sua iam peccata, fidelis
Exq; fide debet certus, & esse potest.